

CONVOCACION CREAOCAT

1. Objectiu dera convocacion

Er objectiu d'aguesta convocacion ei dar sosten a creadors de contengut en catalan e occitan entara produccion de materiau audiovisuau que promòigue era riquesa culturau, patrimoniau e lingüística dera Euroregion Pirenèus Mediterranèa. Es projèctes seleccionadi auràn d'èster formats per un grop de tres creadors, es quaus se comprometen a publicar amassa un vidèu ath mes, elaborat de manèra collaborativa entre es membres deth grop, ath long dera durada deth projècte.

2. Beneficiaris | destinataris

Pòden sollicitar es borses entara creacion de contenguts tant **individús (persones fisiques)** coma **entitats sense tòca lucrativa**.

Se considèrè creador de contengut era persona o era entitat que produsís materiau audiovisuau entà publicar en plataformes digitaus (coma YouTube, Instagram, TikTok, etc.) damb era tòca de difóner contenguts en catalan e occitan.

Es sollicitaires an de presentar-se obligatòriament en **grups de tres creadors**, en tot seguir aquest critèri:

- **Ua persona representanta de cada territòri dera Euroregion**, ei a díder:
 - Un creador resident en Catalonha
 - Un creador resident enes Isles Balears
 - Un creador resident en Occitània

Non s'admeten sollicitacions individuas ne grups que non complisquen aquesta estructura territoriala.

3. Condicions

Entà poder optar ad aquestes borses, es sollicitaires an de complir es condicions següentes:

3.1 Composicion e foncionament deth grop

- Es persones sollicitaires an de presentar-se obligatòriament en **grops de tres creadors**, d'acòrd damb era composicion indicada en punt 2.
- Cada grop a d'includir **aumens un creador de lengua catalana e un de lengua occitana**, entà per'mor de garentir era diuersitat lingüistica deth projècte.
- **Foncionament deth grop**: maugrat qu'er enregistrament des vidèos s'amiarà a tèrme de manèra independenta en cada territòri, es membres de cada grop an de colaborar estretament ena elaboracion der scenari comun e ena planificacion des contenguts, damb era tòca d'assegurar ua linha narrativa coesionada e coerenta ath long deth projècte.
- En cada vidèò mensuau an d'aparéisher es tres creadors que formen eth grop, qu'an de trabalhar amassa en totes es fases deth procès de produccion, eth montatge, era edicion finau deth contengut audiovisuau, etc.
- **Responsabilitat compartida**: es membres deth grop son responsables collectivament dera execucion corrècta deth projècte e dera justificacion finau entà recéber era dusau seccion deth pagament dera borsa.

3.2 Condicions generaus

Es sollicitaires tanben an complir es condicions següentes:

- **Residència**: An de residir en territòri dera Euroregion (Catalonha, Isles Balears o Region d'Occitània).
- **Edat**: auer entre 18 e 35 ans en moment dera sollicitacion.
- **Experiència e preséncia digitau**:
 - Dispausar d'un minim de 3.000 seguidors entre es tres en ua o mès plataformes socials (YouTube, Instagram, TikTok, Twitch, etc.).
 - Auer estat actiu en hilats socials en catalan e/o occitan pendent es darrèri 6 mesi.
 - Publicar contengut de manèra regulara enes hilats socials.

3.3 Condicions lingüistiques

- Cada grop a d'includir **aumens un creador de lengua catalana e un de lengua occitana** entà garentir era diuersitat lingüistica deth projècte.

- **Es vidèos an de èster en catalan e occitan** damb sostítols en ua auta lengua entà garentir era diuersitat lingüística deth projècte. Ei a dèder, toti es vidèos an d'aueu fragments en catalan (sostitolats en occitan) e fragments en occitan (sostitolats en catalan).
- Era **lengua** utilizada a d'èster **corrècta e adequada** a compdar deth punt de vista normatiu.

3.4 Documentacion a presentar

Es sollicitaires an d'includir, coma part dera candidatura, era documentacion e es materiaus següenti:

- **Vidèo de presentacion:** un vidèo brèu de presentacion, en catalan e/o occitan, de cada membre deth grop, qu'includisque ua explicacion generau deth projècte que se prepausa amiar a tèrme.
- **Scenari conjunt:** un scenari preliminar corresponent ath primèr trimèstre deth projècte –ei a dèder, ua prepausa de contenguts entàs tres primèrs vidèos mensuaus–, elaborat de manèra collaborativa entre es membres deth grop.
- **Donades personaus e documentacion administrativa:** cau aportar es donades identificatives de cada participaire, e tanben era documentacion acreditativa, coma un certificat de residéncia en vigor (*attestation de domicile* / certificat d'empadronament o equivalent).
- **Documentacion bancària:** cada membre deth grop a de presentar un **certificat bancari**, per çò qu'era borsa autrejada pera Euroregion se transferirà individuament a cada participaire.
- **Hilats sociaus:** Ligams as hilats sociaus que cada creador o grop age actius e que se preveiguen coma canaus de difusion deth contengut audiovisual.

Tota aquesta documentacion serà indispensable entà per'mor d'avalorar era candidatura e verificar-ne era admissibilitat laguens deth quadre dera convocacion.

Es projèctes que non complisquen aquestes condicions demoraràn excluidi automaticament dera convocacion.

4. Contengut sollicitat

Es creadors borsats an de produir vidèos que complisquen es critèris següenti:

4.1 Tematiques e encastres

Es vidèos an d'èster restacadi, aumens, damb un des airaus següenti:

- **Gastronomia euroregionau:** promocion dera codina e es productes tradicionaus dera Euroregion.
- **Patrimòni euroregionau:** difusion deth patrimòni istoric e artistic, des valors paisatgistics e naturaus e des hèstes, era cultura e es tradicions pròpies des diferenti territòris, localitats e endrets dera Euroregion.
- **Es lengües dera Euroregion:** curiositats lingüistiques, istòria dera lengua, dites e arrepervèris, etc.
- **Promocion dera Euroregion:** difusion des activitats culturaus, socials e juveniles laguens dera Euroregion.
- **Autes tematiques relacionades:** se pòden prepausar autes idèes de contengut que siguen coerentes damb era promocion dera Euroregion e era sua cultura e patrimòni.

4.2 Nombre e durada des vidèos

Eth grop borsat, en tot, a de produir aumens **12 vidèos** annaus (1 vidèo ath mes).

Cada vidèo a d'auer ua **durada minimau de 30 segons e maximau de 2 minutes**.

4.3 Originalitat

- Es vidèos an de èster originaus e inedit.
- Non se permet era reutilizacion de contenguts existenti, ne vidèos ja publicadi prealablament en cap plataforma. Non se pòden utilizar contenguts ja creadi o difonudi prealablament.

5. Drets d'usatge e difusion des contenguts

Es creadors seleccionadi conservaràn era plea propietat intellectuau e es drets de paternitat sus es vidèos produsidi en quadre d'aguesta convocacion.

Maugrat açò, es beneficiaris cedissen ara Euroregion Pirenèus Mediterranèa eth dret non exclusiu, gratuït e sense limit temporau ne territoriau entara difusion, comunicacion publica e espleitacion non comerciau des vidèos enes encastres següenti:

- Publicacion en hilats sociaus e plataformes digitaus oficials dera Euroregion e des institucions collaboradores.
- Usatge en eveniments e campanhes de promocion culturau, toristiques e lingüistiques dera Euroregion.
- Includiment en materiaus informatius o educatius que contribuïsqen ara difusion des lengües e cultures catalana e occitana.

Era Euroregion se compromet a non modificar eth contengut essenciau des vidèos sense era autorizacion exprimida des autors, lheuath d'adaptacions tecnicas de besonh entà difoner-les en diferenti formats o mejans.

Es creadors se responsabilizen de hèr es verificacions apertientes entà qu'es contenguts produsidi non vulneren drets de tresaus, en tot includir-i drets d'imatge, drets de propietat intellectuau de materiau preexistent (musica, vidèos, fotografies) e quinquèu aute normativa d'aplicacion. En cas de conflicte legau derivat der usatge de materiau protegit sense permís, era responsabilitat requèirà exclusivament sus es creadors deth contengut.

Era cession des drets d'usatge serà indefinida, mès es autors poderàn revocar-la en casi justificadi, cada viatge qu'açò non interferisque damb compromesi aqueridi pera Euroregion en matèria de difusion.

Es creadors seleccionadi seràn obligadi a publicar es vidèos enes canaus e perfils pròpris enes hilats e plataformes sociaus, coma partida des accions de difusion deth projècte. Agustes publicacions s'auràn de hèr coma collaboracion conjunta entre es membres deth grop (en cas qu'era plataforma ac permete) o, aumens, en tot etiquetar-se mutuaument, e tanben ena Euroregion Pirenèus Mediterranèa e enes territòris membres. Egaument, s'encoratge era coordinacion damb era Euroregion entara publicacion simultanèa o conjunta enes plataformes oficials.

6. Obligacions des participaires | compromés juridic

6.1 Convengut

Cada beneficiari d'aguesta borsa receberà, per via electronica, ua còpia deth convengut, en quau se fixaràn es condicions dera Euroregion entath supòrt ath projècte e es compromesi recipròcs de totes es parts.

Aguest convengut se manarà as tres compausants deth grop entà que lo signen electronicament a trauès dera plataforma electronica Eurosign. Era autoritat territoriala dera Euroregion, o eth sòn representant degudament autorizat, serà eth darrèr que signarà. Un còp qu'eth convengut sigue signat per totes es parts, se manarà un exemplar per corrèu electronic.

Es possibles modificacions deth projècte, se son significatives, auràn d'èster objècte d'ua validacion per part deth Grop de Lengües dera Euroregion. S'atau se considèrè, poderàn dar lòc a ua addenda ath convengut.

S'í a un desfasatge significatiu entre eth compromés iniciau previst en convengut e era execucion deth projècte, eth pagament dera subvencion serà parciau e se poderà exigir un reemborsament se non s'a hèt pro trabalh.

6.2 Seguiment dera evolucion des projèctes

Es projèctes seleccionadi seràn sometudi a un seguiment regular establìt d'acòrd damb un calendari validat damb es responsables deth projècte. Aguest seguiment incluirà reünions de coordinacion, repòrts intermediaris e amassades individuaus o collectives damb es persones beneficiàries.

Es beneficiaris auràn de presentar un **repòrt de progrès a mitat deth periòde d'execucion**, en quau recuelheràn er estat de desvolopament des contenguts, eth grad de collaboracion entre es membres deth grop e era adequacion des materiaus audiovisuaus as objectius e valors dera Euroregion. Aguest repòrt poderà incluir tanben recomanacions e observacions entà melhorar es contenguts futurs.

Ath delà, se preve era celebracion d'ua **reünion trimestrau per videoconferència**, damb participacion des grups seleccionadi e era equipa de coordinacion dera Euroregion. Aguestes amassades auràn coma objectiu compartir calendaris, eveniments d'interès euroregionau, recorsi utils entàs creadors de contengut e fomentar sinergies entre participaires. Tanben poderà incluir recomanacions e observacions entà melhorar es contenguts futurs.

Es beneficiaris auràn de liurar un **repòrt finau de comunicacion** damb es materiaus de difusion generadi pendent eth projècte (vidèos, publicacions, accions en hilats, etc.) entà desblocar eth dusau pagament dera borsa.

Era Euroregion Pirenèus Mediterranèa amiarà a tèrme aguest seguiment en coordinacion damb eth Grop de Lengües entà garentir eth bon desvolopament deth projècte e eth compliment des compromisi aqueridi.

Es beneficiaris tanben se comprometen a respòner a toti es qüestionaris o airines d'avaloracion que les facilite era Euroregion en quadre deth seguiment generau deth programa.

6.3 Publicitat e comunicacion

En quadre d'aguesta convocacion ei obligatòri inclúdir en toti es vidèos produsidi eth lògo oficiau dera Euroregion de manèra vedibla, e tanben mencionar-la explicitament ena descripcion deth contengut. Egaument, es participaires an d'etiquetar eth perfil oficiau dera Euroregion en totes es publicacions que se hèsquen enes hilats sociaus, e a utilizar es etiquetes o elements d'identificacion qu'era organizacion indique entà garentir ua difusion coerenta e unificada.

Er inacompliment d'aguestes obligacions poderà comportar ua reduccion parciau dera subvencion autrejada.

7. Tèrme d'execucion

Eth tèrme entà publicar es vidèos s'inície eth 1èr de gèr de 2026 e acabe eth 31 de deseme de 2026. Cau publicar aumens un vidèo cada mes pendent aguest periòde.

8. Quantitat de borses

Se preven tres borses entà finançar eth projècte melhor avalorat. Cada borsa serà adreçada a un membre dera equipa escuelhuda.

9. Budget

Eth totau deth budget entad aquestes borses ei de **12.000 €**, que se distribuïrà entre es tres participaires deth projècte seleccionat. Era quantitat individuau entà cada borsa serà de **4.000 €**.

Jos era proposicion deth Grop de Lengües e decision dera Assemblada Generau, era Euroregion se resèrve era possibilitat d'utilizar e repartir aquesta dotacion financèra ena sua totalitat o en partida.

Eth **pagament** des borses se harà en dus seccions:

- Prumèr pagament deth 50 % en moment dera signatura deth convengut.
- Pagament finau deth 50 % en moment dera validacion dera justificacion.

10. Critèris d'avaloracion

Es prepauses presentades seràn avalorades en foncion des critèris següenti, damb un maximau de 20 punts possibles:

- **Qualitat creativa e innovacion** ena produccion des vidèos: 3 punts
S'avalorarà era originalitat dera prepausa audiovisuau, er usatge creatiu deth lenguatge visuau e narratiu, era adequacion des formats as plataformes socials e era capacitat de captar er interès deth public. Tanben se tierà en compde era qualitat tecnica dera produccion (imatge, son e edicion).
- **Impacte e portada** dera difusion enes plataformes socials: 2 punts
S'avalorarà eth potenciau de difusion deth projècte a trauès des hilats socials, en tot tier en compde era preséncia actuau des participaires enes plataformes digitals (nombre de seguidors, freqüéncia de publicacion, interaccion), e tanben era estrategia prepausada entà aumentar-ne era portada e era visibilitat.
- **Adequacion deth contengut** damb es objectius de promocion dera Euroregion e es lengües catalana e occitana: 3 punts
Se tierà en compde enquia quin punt eth contengut prepausat contribuís ara promocion dera diuersitat culturau, lingüistica... dera Euroregion Pirenèus Mediterranèa, en tot destacar era riquesa e especificitat des territòris representadi e en tot utilizar es lengües pròpies de manèra significativa.
- **Originalitat e prepausa de tèmes**: 3 punts

S'avalorarà era capacitat des participaires entà prepausar tèmes remercables, innovadors e pòc exploradi, que rebaten diferenti aspèctes dera vida, era cultura e era realitat actuau des territòris, entà per'mor de fomentar er interès e era participacion deth public.

- **Collaboracion** entre es creadors des diferenti territòris: 4 punts

S'avalorarà fòrça positivament eth grad de coordinacion e trabalh conjunt entre es membres deth grop, e tanben era existència d'un scenari compartit e ua estrategia collaborativa qu'assegure era coerència des contenguts e era visibilitat equitativa des tres territòris. Tanben s'avalorarà era distribucion de prètzhèts e era complementarietat des perfils laguens deth grop.

- **Usatge corrècte deth catalan e er occitan:** 5 punts

S'avalorarà era qualitat lingüística (correccion, claretat e riquesa d'expression) en usatge deth catalan e er occitan enes vidèos, tant ena expression orau com escrita (sostítols, tèxtes de supòrt, descripcions en hilats, etc.). Tanben se tierà en compde er esfòrç entà emplegar un registre adequat, respectuós damb era normativa, e entà visibilizar es variants dialectaus de manèra coerenta e positiva.

II. Condicions addicionaus

Ath delà des condicions establides en punt 3, s'an de complir es condicions següentes:

- Es creadors borsats se comprometen a respectar es drets d'autor e era normativa en vigor en matèria de propietat intellectuau ena creacion des vidèos.
- Es vidèos produsidi s'auràn de difóner en plataformes digitaus damb visibilitat publica e promoiguda a trauès de canaus oficials dera Euroregion e es institucions implicades, ath delà des hilats pròpris des persones borsades.
- Es creadors borsats s'auràn de comprométer a completar es projèctes enes tèrmes establidi.
- Eth contengut des vidèos non pòt includir manifestacions racistes, omofòbes, masclistes o autes manifestacions de discriminacion o de violéncia contràries as drets umans, ne apologia o eth consum de substàncies estupefases o psicotropiques, alcoòl o tabac ne actes delictius. Tot inacompliment d'aguest punt implicarie era revocacion dera borsa.

12. Tèrmes

Eth tèrme de presentacion de sollicitacions abaste deth lèr de seteme ath 31 d'octobre de 2025. Era prepausa de projècte s'a de manar mejançant era plataforma WIIN (<https://euroregio-epm.wiin.io/fr>).

Es projèctes seràn avaloradi pes membres deth Grop de Lengües. Era concession des borses se comunicarà as sollicitaires abans deth 31 de deseme deth 2025.

Er inici dera produccion des vidèos serà eth lèr de gèr de 2026.

13. Contacte

Entà quinsevolha informacion addicionau:

Lorena Abelenda Castro

Responsable de projèctes Cultura ena Euroregion

courrier@euroregio-epm.eu

+33 (0)4 48 22 22 34

+33 (0)6 30 99 50 77

<http://www.euroregio.eu/>

Adreça:

El Centre del Món

35, Boulevard Saint Assisclé

CS 7004

66011 Perpinyà Cedex

França